



Inatsisartunut ilaasortaq Kristian Jerimiassen, Siumut.

Naalakkersuisunut apeqqutit:

1. Suliffissaaleqinermut Immikkut Ittumik Iliusesqarneq pillugu kommuninik isumaqatigiissuteqarnernut atatillugu suliffinnut nutaanut aningaasanik qanoq amerlatigisunik Immikkoortitsisoqarsimava?
2. Immikkut ittumik Iliuserisamut atatillugu illoqarfinni suliffissaaleqisut qanoq amerlatigisut suliffinni suliqaartinneqalissappat?
3. Immikkut ittumik Iliuserisamut atatillugu nunaqarfinni suliffissaaleqisut qanoq amerlatigisut suliffinni suliqaartinneqalissappat?
4. Nunaqarfinni aningaasat qanoq amerlatigisut atorneqassappat?
5. Illoqarfinni aningaasat qanoq amerlatigisut atorneqassappat?

Nuuk, 16. oktober 2012
Sagsnr.
Dok. Nr. 1039542

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@gh.gl
www.nanoq.gl

Akissut:

Qujanaq apeqqutinnut Naalakkersuisut sinnerlugit akissuteqarfigisassannut.

Apeqqut 1 pillugu:

Ungasinnerusq isigalugu imminik napatitsisussamik aningaasaqarnermut ingerlaartitsisinnaasumik suliqaarfigisamik suliassaqartitsinissamik politikkimik ingerlassaqarnissaq Naalakkersuisut politikkerat. Taamaattumik immikkut ittumik suliffissaaleqinermut iliuuserisap ilaa pingaarutilik tassaavoq inuit suliffeqanngitsut piginnaanngorsarlugillu piareersarnissaat.

Suliffissaaleqinermut iliuusissatut pilersaarutip anguniagaa tassaavoq 2012-imi inuit ikinnerpaamik 1500-t iliuutsini assigiinngitsuni peqataanissaat.

2011-mi suliffissaaleqinermut iliuutsit ingerlanneqartup nalilivigineqarnera, aammalu piginnaanngorsarnerup/piareersarnerup ukiup affaata qaangiunnerani inunni peqataasimasuni 32 %-it suliffeqalernerannik 15 %-illu ilinniagaqalernerannik takütitsisoq 2012-imi iliuutsip tunngavigaa.

Apeqqutit 2 aamma 3 pillugit:

Sumiiffinni amerlanerpaani iliuuserisat illoqarfinnut nunaqarfinnullu immikkoortinneqanngillat, kommunit namminneq pikkorissartitsinernut/ilinniagaqartussanut/suliniutinut assigiinngitsunut aggersaasarmata, taamaattorli pikkorissartitsinerit/ilinniagaqartussat/suliniutit kommunit kissaatigisaat pisariaqartitaallu naapertorlugit isorliunerusuni illoqarfinni mikinemi aamma ingerlanneqartassanerat anguniagaavoq.

Assersuutigalugu Qaasuitsup Kommuniani kommunip kissaatigisai naapertorlugit nunaqarfinni illoqarfinnilu mikinerusuni annertuumik suliffissaaleqisoqarfinni eqqaavileriner-

mik/iluarsaassinermik/isaterinermik suliniut inunnik 50-inik peqataaffigineqartoq aallartisarneqarsimavoq.

Kangerlussusarmi 15-inik peqataaffigineqartumik ilinniagaqartitsinermut sivilisunerusumut ingerlasussamut aningaasanik tapiisoqarsimavoq.

Ataani peqataasussat amerlassusaannik taasanik, tassaasunik ikinnerpaatut peqataasussatut naatsorsuutigisanik periutsit pilersaarutit imaluunniit aallartisakkat tullerilaarneqarput:

- Paasisaqarniarluni pikkorissartitsinerni sivikinnerusuni, suliffissarsiornermik, inuussutissarsiutinik nutaanik, nuttarsinnaasoqarneranik siuarsaanermik aamma suliffeqarfinnik attaveqarnissamik alaatsinaaffeqartuni inuit 420-t peqataasapput.
- Aatsitassarsiorfimmi/takornariaqarfimmi/allami suliffissaaleqisut atorfinitsinnissaannik tapersersuisutut pikkorissartitsinerni inuit 327-t peqataasapput.
- Piareersarfimmi aallartisaatitut ingerlassaq, tassani ilinniartitsissutigineqarput fagit nalinginnaat: kalaallisut, qallunaatut, tuluttut aamma matematikki, kiisalu inuttut allanut suliaqarnissamut piareersimassuseq. Ukiumik ataatsimik sivilisussilik inunnit 185-iniit peqaaffigineqartussa.
- Suliassaqartitsiniarluni suliniutit eqqaavilerinernik, iluarsaassinernik il.il. alaatsinaaffeqartoq. Tassani inuit 110-t suliaqassapput.
- Piareersarfimmi sannavittut suliniuteqarfinni, suliffeqarfimmik ilitsersuinermillu ingerlatani ukioq ataaseq tikillugu sivilisussulinni inuit 145-t peqataasapput.
- Piginnaanngorsaaqqinnermik ingerlatat inunnik 337-nik peqataaffiusut.

Apeqqutit 4 aamma 5 pillugit:

Suliffissaaleqinermut iliuutsimut aningaasat kommunikaartumik agguataarneqarput, iliuutsit Namminersorlutik Oqartussat aamma kommunit akornanni suleqatigiinnikkut pimmata, tassanilu kommunip kissaatigisai iliuutsimut tunngaviullutik. Iliuutsinut assigi-inngitsunut kommunit peqataasussanik misissuisuullutillu suliarinnittuupput. Taamaattumik illoqarfinnut nunaqarfinnullu agguataakkanik aningaasanut nalunaarusiamik pisoqarsinnaanngilaq, katillugilli iliuutsimut 36,311 mio. kr.-t tapiissutigineqarsimapput. Aningaasat kommuninut ataasiakkaanut imatut agguataarneqarput:

Kommune Kujalleq: 3,53 mio. kr..

Kommuneqarfik Sermersooq: 11,135 mio. kr..

Qeqqata Kommunia: 4,66 mio. kr..

Qaasuitsup Kommunia: 16,986 mio. kr..

Inussiarnersumik inuulluaqqusillunga,

A handwritten signature in black ink, appearing to be 'Ove Karl Berthelsen', written in a cursive style.

Ove Karl Berthelsen